



Dato: 9. juli 2025
Kontor: Nordatlantkontoret
Sagsbeh: Laura Friestrup-Jensen
Sagsnr.: 2025-03716
Dok.: 3770816

NAALISAANEQ

Akiligassarsilluni pisinermi Kalaallit Nunaanni atortuulersitaaneraniq peqqussut

Akiligassarsilluni pisinermi inatsisit atuuttut uani nassaarineqarsinnaapput, Akiligassarsilluni pisinermi inatsisip Kalaallit Nunaanni atortuulersitaaneraniq peqqussut nr. 33, 27. januar 1986-mi atuutilersinneqartoq.

Atuisartunut taarsigassarsiat pillugit Kalaallit Nunaanni inatsiseqalernissaanik Justitsministeriemiit missingiusiortoqarpoq. Atuisartunut taarsigassarsiissarnermi pitsaanerusumik, nutaanerusunik atuisunullu illersuisoqarnerunissaa anguniarlugu Kalaallit Nunaanni malittarisassaqaalernissaanik pingaarnertut siunertarineqarpoq.

Aallaqqaasiutigalugu maluginiarneqassaaq, atuisartunut taarsigassarsianut tunngatillugu Danmarkimi inatsisigineqartut EF-mi malittarisassarititaasut tunngavigineqarmata (87/102/EØF), taakkunanilu kingusiinnaq atuutilersinneqartut ilanngullugit, Ministerrådimi ulloq 22. december 1986-mi atuutilersinneqarsimasut. Atuisartunut taarsigassarsianut tunngatillugu Danmarkimi inatsisitigut atuuttut tunngavigineqassapput. Attuumassuteqartutut naliliisoqarpat, malittarisassat oqaasertalerneqartullu Kalaallit Nunaanni pissutsinut inatsisinullu naleqqussagaapput.

Missingiut kapitalikkaarlugit immikkoortorta qarpoq, ilaatigut atuuffii nassuiaatillu (kapitali 1), akiligassiilluni pisititsisup paasissutissiinissamut pisussaaffia (kapitali 2), peqqissimisussaataaneq (kapitali 3), akiligassiilluni pisinermi qaavatigut ernialiisoqarnissaanut inerteqquteqarneq (kapitali 4), aalajangersakkat immikkut ittut (kapitali 5), paasissutissiinissamut pisussaatisinngitsoorneq (kapitali 6), atuisup akilersuineri (kapitali 7), atuisup isumaqatigiissummut eqquutitsinngitsoornera (kapitali 8), akiligassiilluni pisinermi akiligassiisup allanngornera (kapitali 9), pigisanik akiligassiilluni pisineq (kapitali 10), suliffeqarfiunngitsumi pisineq (kapitali 11), aalajangersakkat assigiinngitsut (kapitali 12), pinerlussimanermut pineqaatissiissutit (kapitali 13) taamatullu qaqugukkut atuutsitsisoqassanersoq isumaqatigiissutigineqarsimasullu qanoq suliarineqassanersut (kapitali 14).

Kapitali 1-mi inatsisit sumut atuunnerannut nassuiaatinullu tunngapput. Atuisumut akiligassiilluni pisititsinermi isumaqatigiissuteqarnissamut akiligassiisup neriorsuineranut tunngavoq. Tamatuma saniatigut innersuussutigineqarpoq suliffeqarfiuteqanngitsumut akiligassiilluni pisinermi atuutissasoq, suliffeqarfiuteqarluni akiligassiilluni pisititsinermi isumaqatigiissutigineqartartut assigalugit ingerlanneqassalluni.

Akiligassiilluni pisititsisup paasissutissiinissamik pisussaaffianut *kapitali 2-mi* maleruagassat pineqartunut, akiligassiilluni pisititsilluni isumaqatigiissuteqartoqannginnermi innersuussutigineqarpoq. Aamma innersuussutigineqarpoq akiligassiilluni pisititsisup atuisup akiliisinnaassuseqarnerasoq nalilersornissaanut pisussaataaneq. Akiligassiilluni pisinermi atuisup akiliisinnaassuseqarnerata nalilersornissaanut pinsinnaataaneq aalajangersakkami atuuttumi peqanngilaq.

Kapitali 2-mi akilersugassanik pisilernermi isumaliutissiissuteqarnermi piffissarititaasunut pigisanullu allanngortinneqarsinnaanngitsunut akiligassiilluni pisinermi

isumaqatigiissutitut, pappilianngorlugu aningaasanik nalilimmik tunniussinermi, akiligassarsillunilu pisinermi isumaqatigiissutip qanoq ilusilernerqassaneranut maleruagassanut innersuussutitut tunngapput. Tamatuma saniatigut pigisani allanngortinneqarsinnaanngitsuni qularnaveeqqutitut atuisullu taarsigassarsisinnaatitaaneranut naatsumik killiussaritinneqartunut pinngitsoorani isumaliutigineqartariaqartunut tunngatillugu aaqqissueqqittoqarnissanut innersuussutigineqarpoq.

Kapitali 2-mi naggammik pineqarput ernianut allannguutitut, kontop killiffianik ilisimatitsisarnermut akiligassarsillunilu pisinermi erniarititanut allannguutitut, taamatullu akiligassarsilluni pisinermi isumaqatigiissutip piumasaqaataanut patsisissaatitaasunullu maleruagassanut innersuussutitut tunngapput. Tamatuma saniatigut aamma kapitali 2-mi ukiumut aningaasartuutit procentinngorlugit kisinneqartarneranut aamma akilersuilluni pisinermi isumaqatigiissutip kisinneqartarnissanut, pigisanut allanngortinneqarsinnaanngitsunut qularnaveeqqusiinermi imaluunniit pisinnaatitaaffinnut maleruagassanut innersuussutit pineqarput.

Kapitali 3-mi maleruagassat pineqarput, akiligassarsilluni pisinermi atuisup peqqissimisinnaatitaanermut atuutsitsisoqalernissaani innersuunneqarpoq. Inatsisit massakut atuuttoq peqqissimisinnaatitaasinnaanermut inatsiseqanngilaq. Peqqissimisinnaatitaanissaq ulluni 14-ni atuutsinneqarsinnaanissaa innersuussutigineqarpoq. Pisinermi akiligassarsititsisumut piffissaq killiliussa qangiutsinnagu pappilissanik imaluunniit attaveqaatitigut allatsigut tunniunneqarsimappat peqqissimisinnaatitaanermut pisinnaatsitaaffik atuutissaaq. Pisinermi akiligassarsinermi isumaqatigiissutitut maleruagassanut tunngatillugu kapitali 3 naggasiutitut aamma imaqarpoq.

Kapitali 4-mi innersuunneqarpoq, akiligassarsilluni pisinermi qaavatigut ernialersitseqqusinnginnermik maleruagassat nanginneqaqqissasut. Akiligassarsilluni pisinermi inatsisit § 9 malillugu assinganik aalajangersaasoqassaaq.

Atuutilersussatut innersuussutigineqassaaq *kapitali 5-mi* immikkut tapiliullugu aalajangersagaq, naleqqutsinngitsunik akiligassanut imaluunniit aningaasartuutissanut naleqqussarneqarnissaanut atuisut appaasoqarsinnaanissaanik piumasaqarsinnaatitaapput. Akiligassarsilluni pisinermi inatsisit § 10-mi aalajangersagaavoq.

Paasissutissiisussaatitaanermut maleruagassat *kapitali 6-miittut* malillugit, § 8 malillugu taarsiisussaatitaanermut amigartumik paasissutissiisoqarsimappat, taarsersuinissamut kinguaattoortunut taarsiissuteqartoqarnissaanut piumasaqaateqartoqarsinnaanngitsoq innersuussutigineqarpoq. Tamatuma saniatigut innersuussutigineqarpoq, erniarititaq inatsisit § 23, imm. 1 malillugu, ukiumut erniarititatut aalajangersarneqassasoq, erniaritinneqartussatut aalajangersarneqarsimasumut 5 pct-nik tapiissuteqartumik inissinneqassasoq, § 8 malillugu paasissutissiisussaatitaanermut maleruagassat unioqqutinneqarsimappata. Najoqqutaq Nationalbankimi ernianut najoqqutarineqartoq, januaarip aallaqqaataani ukiorlu taana juulip aallaqqaataani atuutilersinneqartoq, malillugu taarsigassanut erniarititatut atorineqassaaq.

Atuisup akiliisarnernut tunngatillugu, *kapitel 7-mi* innersuussutigineqarpoq, aningaaserivinnut akiliisarnermut, piffissaq sioqqullugu akiliisarnermut, piffissamik killiligaangitsumik taarsiissuteqarnissamut isumaqatigiissuteqaatinut atorunnaarsitsinissamut aamma killiliussap sioqqullugu taarsiissuteqartoqarnernanut tunngatillugu maleruagassaliortoqassaaq. *Kapitali 8-mi* atuisunut akiligassarsinermi inatsisit § 14 malillugu malittarisassat unioqqutinneqartarnernanut nanginneqarnissaa innersuussutigineqarpoq. Tamatuma saniatigut aningaasanik utertitseqqusinissaq tikitsinnagu akiligassiissuteqartussat naleqquttunik politikkini ingerlatseriaaseqarnissamullu qulakkeerinnittussamik aalajangersakkamik ilanngussisoqarnissaa innersuussutigineqarpoq. Atuisut ataasiakkaat akiligassaminnik taarsersuisinnaassuseqarnissaat qulakkeerneqaqqullugu aalajangersakkami aaqqiissuteqartoqarnissaanik tunuliaqutaavoq.

Kapitali 9-mi ilaatigut innersuussutigineqarpoq, akiligassaqartitsisoq isumaqatigiittoqartillugu taarsiissuteqartoqarnissaanut maalaaruteqartoqarsinnaanissaanut killiliisumik allagaatinik atuisumut tunniussisoqannginnissaanut malittarisassaliortoqassasoq. Innersuussutigineqarporli aalajangersakkami akiligassiisup pigisaanut allanngujitsunut qularnaveeqquteqarsinnaanissaanik ajoqutaasanngitsoq. Akiligassiisoqarneq, tuniniaasoqarneq imaluunniit sullissineq allamut tunniunneqassagaluarpat, atuisup maalaaruteqarsinnaatitaanerata illersorneqarnissaanut malittarisassaliortoqarnissaanik kapitalimi uani innersuussutigineqarportaaq.

Aaqqissuuneqarnera allanngortinneqaannarluni, tunisisup piginnikkallartuuneranut kapitali 10-mi attartorluni pisisarnermut malittarisassanut tunngavoq. Aallarniissutigineqarluni innersuussutigineqarpoq tunisisup piginnikkallartuuneranut atuutsinneqarneranut tunngatillugu malittarisassaliortoqarnissaa, akiliisoqarsimatinnagu piumasaqaatit malillugit akiligassiisummut akiliisimannngikkaanni, akiligassap annertussusaanik ersarissaanikkut akiligassallu qanoq naleqartigineranut takussutissaqartumik, akiliisoqarnissaanik piumasaqartoqarsinnaasoq. Tassani innersuussutigineqarportaaq, eqqartuusivik akulerutsinnngikkaluarlugu atuisup qanoq utertitsisinnaanissaanut malittarisassialiarineqartariaqarpoq.

Kapitali 11-mut tunngatillugu, atuisut pisiarinngisaanut tunngasunut malittarisassat katersorneqarnissaat tassani innersuussutigineqarpoq. Kapitalimi akiligassarsiniarluni pisiarineqartunut malittarisassat innersuussutigineqartut atuuttuut nangenneqassapput.

Kapitali 11 a-mi atuisup attartornermini akiliisinnaasuseqarsinnaanera nalilersorsinnaanissaanut malittarisassiornissamut tunngavoq. Aalajangersakkami suliffeqarfiit aalajangersimasut pineqarput, qamutininik motorilinnik attartortitsisartunut, attartornermi akiligassat atuisumit akiliisinnaanerat nalilerneqarsinnaaqqullugu.

Kapitalini 12, 13 aamma 14-mi ilaatigut erniarititanut malittarisassanut assigiinngitsunut ataatsimoortunut allannguutitut tunngapput, § 23-mi innersuussutigineqartumi aalajangersarneqartumi, pinerlussimanermi pineqaatissiissutitut taamatullu inatsisitigut qaqugukkut atuutsitsisoqassanersoq isumaqatigiissutigineqarsimasullu qanoq suliarineqassanersut.

Malitassanut tunngatillugu Forbrugerombudsmandeqarfimmiit § 57, imm. 2-mi innersuussutaani, nalunaarummi allaqqasut Kalaallit Nunaannut malitassat nittarsaassisarnermut meqqilersuisarnermullu Inatsisartut inatsisaat malillugu naleqqussarneqarput, Forbrugerombudsmandeqarfik allaqqanani taarsiullugu Atuisartoqarnermut Unammilleqatigiinnermullu Aqutsisoqarfiit allaqqassaaq.